



潛學稿序



夫事有萬端理惟是



以諸水分流總繇星宿衆

山蠱峙齊本崑崙若復更

潛學稿

序

生異同區別大小此自處

於管中無繇得窺物外者

耳予邑徵君鄒潛谷先生

學晰天人之幾而大宇宙



之總綜形象之曠而冥性  
教之宗諸所著述流播寓  
宇經有繹史有函莫不奉  
若日星無或河漢矣今其

潛學稿

涂序

二

曾孫應瑞兄弟復簡其潛  
學稿付之築氏而問序於

予予竊嘉嘆夫應瑞兄弟  
能讀祖父書而深有感於

先生之學無所不潛也序  
曰陽氣潛藏伏於重淵根  
深無際莫究其源渾渾淪  
淪非右疑玄充周綿密萬

潛學稿

添序

三

象出焉或曰如是信潛矣  
又焉學曰惟潛故學也備  
善粹有一德儀天聽於無  
聞視於無見不聞而聞不



見而見體物不遺與天周  
旋惟潛故學惟學故潛詩  
先見之矣曰鼓鍾於宮聲  
聞於外又曰鶴鳴於九臯

潛學稿

涂序

四

聲聞於天魚在于渚或潛  
在淵其謂是乎或曰天下

文章莫大於經史先生既  
已經釋史函矣茲編不出

先生之郵筒與夫詩歌序  
傳銘表之種種何得更深  
索其義將欲媿經匹史乎  
予曰是何言與是何言與

經與史總以發性情而道  
政事與夫隱顯之異時禮  
文之異尚崩薨塋祭之異  
書而謂是編復有遠近之



殊乎先生經還經而史還  
史總以發數十年之所潛  
學一一見之於在田真若  
稼穡之有五穀民生日夜

潛學稿

涂序

六

取資焉而是編則本數十  
年之所繹所函者一一見  
之於歌咏與夫商確

朝家之利害性命之精微屈

信行藏之各有其候祝板  
勒石之各有其事其於治  
亂得失處生之際一篇之  
中三致意焉而謂是編猶

有軒輊乎予謂經繹史函  
先生潛學之體也是以體  
而該用者也潛學先生經  
史之用也此以用而見體



者也陽氣潛藏於黃宮之  
下物出溱溱開明而前三  
十六宮無一不本於潛潛  
之爲義大矣哉是故上天

潛學稿

徐序

八

下地無空潛者也空潛而  
學於何寄萬物因之不奇  
矣亦無空學者也空學而  
潛於何附二氣因之不靈

矣詩不云乎潛雖伏矣亦  
孔之昭此先生終始於學  
隨在而無不潛也乎予猶  
記先生學庸論孟有潛語

潛學稿

添序

九

交

明

書爲今天下所屬望安得

盡而刻之令天下日夜受

潛學之益前無古後無今



無一不與元氣相流行抑  
亦自有經史以來獨我

**明** 軼商周而躋虞夏皆從先

生之書次第而見之不亦

潛學稿

除序

十

毓刊

大有當於先生之潛學也

哉因應瑞兄弟之請而謹

爲之序

**賜** 進士第資政大夫南京吏

部尚書前刑部左右侍郎侍

經筵官太僕寺卿南京太常

寺少卿吏部文選考功驗

封稽勲四司郎中員外郎

潛學稿

涂序

士

主事行人司行人同邑後

學涂國鼎頓首拜謨





潛學稿序

夫經國大業莫先于文章  
古人稱不朽者三必叅立  
言于德功之列誠見辭命

潛學稿

黃序

之關乎性命也余逃覽六  
經之言大要以修德建功  
爲先務故其文久而彌新  
三代以後詞人馳騁於風

泥而道德功名或在所畧  
雖卮言可以酣志君子鄙  
之鄧先生隱居柳市之南  
左經右史神明所契默與

聖神賢哲相往來故筆墨  
之光照耀千古固大易所  
稱見龍也乃先生自寓其  
學于潛龍何邪蓋後天之



學以人先天之學以天人  
可見天不可見也鄧先生  
老而好易於乾之姤有悟  
焉故幽其志于潛龍而以

勿用成其大用余嘗攷乾  
元之用矣見者在田躍者  
在淵飛者在天而潛龍獨  
莫名其所在夫固善藏其

用者乎先生體天德懷天  
心乃養晦山林辭徵書而  
不赴可謂善藏其用者矣  
而無用之用天下莫能窮

焉余見學先生之道者或  
得其眼或得其耳或得其  
脢或得其鼻或得其舌或  
得其心凡游于光風化日



之中者各有先生之一體  
而終不能見先生之全身  
也神哉先生之用乎世儒  
謂立言一途與立德立功

外軌先生以詩書垂教萬

世之學者宗焉然則先生

之言卽先生之功德也潛

天而天潛地而地先生其

猶龍乎

黎川後學黃端伯序



潛學稿

黃序

六



潛學稿序

友人鄧汝極氏飭躬繕性雅志高古自舉鄉書輒不借計上杜門養親親終廬墓所居常謝絕世紛夙宵惟矻力前代之載聞當世諸名哲有所論述亟求而亟錄之精研疾書務發摛其要綜貫今古上窺神化俯究名理蓋勤心者二十餘年著六經釋義若干卷法遷史八書斥封禪辨異教著二十一書若干卷諸雜著文詩若干卷以諭於余余讀之累數月而未能味其詳也嘆曰淵乎博乎閎乎

王序一

密乎神晶義采煥郁郁乎而一由於正教大道無或竒邪蕩謫之識間其中若徃代著作者之爲病也其可傳哉或曰昔之著作者必周游廣歷必至晚歲迺能成其書鄧氏子涉世固淺而年未至也其言遂可傳乎曰惟其志而已耳先民有言不出戶知天下不窺牖見天道汝極蓋兢兢乎性天以自保故靈扁不貳以成此業可易視之哉或又曰六經自兩漢來注論者五車不啻矣遷雖稱良史才班氏已輒譏之不聞劉歆之謂子雲乎曰道無

盡言亦無盡若所云後將遂廢文字乎汝極於六  
經揭大義明會通合精粗章得失視諸詳而不貫  
比而不精者大有間矣二十一書上沂黃虞下備  
遷史後千六百年之猷畫 國家大典大政諸大  
議咸可鏡而裁焉其功豈小哉卽雜著文詩多關  
教義非冗具等也汝極自各其所著統曰潛學稿  
言退潛而學若此余屏其心之潛久矣凡之潛潛  
言之也易曰潛之爲言也遜世无悶樂則行之汝  
極樂行之績有可冀者余不知其視此業何如哉  
王序二

因歸其書歐然念余之不能及也

萬曆戊寅夏四月七十一翁里中王材序

皇史受年六百平文增畫

因宋人與大宛編大

此而不辭皆大有間矣二十一書上沂黃虞下備

遷史後千六百年之猷畫 國家大典大政諸大

議咸可鏡而裁焉其功豈小哉卽雜著文詩多關



鄧先生潛學編序

黎川徵君鄧潛谷先生篤學嗜古隱德弗曜著爲詩尚書三禮禮記釋春秋通函史皇明書各數千百卷成縷版傳於世餘文尚若干萬言編曰潛學藏副未行其高第弟子盱江左公景賢以侍御史持節按兩浙至會稽從帳中以授郡理何不一三畏教諭項君元濂校而刻之而望齡受命爲序序曰古之學者其術簡其該統博其所就精求之有本會之有歸如場師種樹根莖尺寸而枝幹稟實具

陰序一

焉夫學以爲道而已道微爲事事載爲文六經古人之事也其始特若後世詔教牋疏之章幾語塗歌之響方輿職官之志掌故儀注之文紀年大事之記大筮稽疑之書朝家所載俚俗所傳而聖人有以見天下之曠以爲其精實微眇寓是也所言卽所用所用卽所明施之成務而卽謂之道語之成文而卽命之經道德政事文章之塗常出於一取之有要故不煩爲之有方故一成而後世無以尚焉三代而降道喪術乖而漢諸儒猶授受一經

依以敷言持議斷欲決疑於時政治醇固來章爾  
雅尤名近古如故國舊家之餘守其宗器襲其衣  
冠其典刑氣象有足術也道又下衰於是櫟學專  
解詁詞家工藻翰儒林文苑畫爲二轍况暇語道  
德政事之同異乎

明興壹以經術設科而帖括俳偶所詣彌下私正  
間修詞家蔚起吐棄故爛更命古學於是古文經  
義之文又判然二矣然唐宋巨家取法庀材皆元  
本六籍金陵眉山輩雖名爲文章士而精討創構  
陶序二

其勤過於老宿以故其所著醜澗浩博往往可誦  
近之君子其爲經義羔雉而已爲古業剽攘而已  
其專不及漢儒以博又遠遜唐宋當治經旣不暇  
古業爲古業又不暇求本於六經闕市集潦積薄  
派淺佻悅而鄙儉蓋經術藝文之道至此而交受  
其敝濔谷先生據道也實矣然後繹之乎經離經  
也通矣然後函之乎史肆經史也洽矣然後摛之  
爲文其文意行理遣而命於法疑立萬行而餘於  
熊莊言雅奏而極於情若繭絲有緒布帛有幅繡



有溫珠玉有澤蓋

明興以來爲六經之文自先生始而景賢氏蚤歲  
負墻發五業之扁筭聆三長之之雅論躬稟度律  
妙捐弟荃師資所契暢於事業所謂求之有本會  
之有歸於斯乎徵焉夫先王教民詔之尊師以示  
厚也景賢按治吳越身先美化振幽挾隱旌淑治  
好所以風厲鑄曉其道具至厥有章鼓動稱先師  
如臨之敬嚴於手澤一出一入每奉以俱而又疑  
梓布傳嘉惠來學俾海內讀先生書者覩其大  
陶序三

所以仄俗澆薄歸之於厚旨甚盛也予高先生之  
河而悅景賢之義敬爲之序云

萬曆丁未春仲後學會稽陶望齡頓首謹序

潛學稿序



有所著述而期見於世  
夕晚蒙而旦懸書斯亦  
足以謙矣諛聞至而深

潛學稿

鄧序

一

於至事者不然其神不  
用之於見而常用之於潛  
其以著述取以成生證微  
行遠之學而不汲之於當



世派俗之知至寃業歸空  
尊舉天下人士之耳目心  
思畢見為微吳先生至人  
孔常先生社門著書蒼藁

潛學稿

鄧序

二

其經史詩文之業道欽在  
稿曰潛學賦在自命一

微名在盛世先生能為潛而  
其以著書終不能小為見

至物之自到不成乎名而  
天下之名爭於之者其牙  
其舌已積之行易筭而後  
經緯出而不勝而馳之

卷之編

辭序

三

海由濶而平者曰濶望

先生為古人難而及其見

至全事而恨於是為好

庶幾兄弟盡皆在



未行者操行、主訪文可

於中、亦多法、已與、函、可能

五經、經、不可、經、史、詩、文

痛、多、法、通、先、聖、一、段、周、修、正

潛學稿

鄧序

四

考、深、心、博、經、旨、義、之、淵

識、其、成、其、後、遂、詣、亦、不、

可、其、也、法、在、廣、大、精、微、為

述、五、經、在、人、有、全、稱、也、矣

復於賦取至詩友之有行者

細而之曰至矣至而後思

永而味腴也物難為友明大

後而中適於疎枝景為根

游學稿

鄧序

五

深如後波深而物意如造

次之天意不言於不雅

於本稍不端綴一洋典

讀風雅叩囊仙篋而時出



也善人以請文為詩文先生  
以徑為學以史歸經以詩文  
直正於經史至以林與特  
免之於信先辭達之腐

潛學稿

鄧序

六

其握符與公又縱不墜於晚  
近初林保落之他身以名  
集固可見一家之造唱頌

歲想統至金亦既祖六經

補子長而當至世時善多矣  
務陶固望之言明真業  
能知六經之文自先生始  
無意哉因庶幾先弟微

潛學稿

御序

七

序為裴先生潛學之後旨  
如此亦何讓茲稿者亦先  
生以潛母德以詩人友人樂  
先生也



崇禎己卯臘望宗晚生

鄧澄序并書



潛學稿

鄧序

六



Vertical text on the left side, partially obscured by the smudge.

Vertical text on the far left side, partially obscured by the smudge.

徵君先生傳

先生新城上津南里人也名元錫字汝極別號  
潛谷世居邑東槐原高祖御史義始卜今居會  
祖時康祖廷璋考楳妣張生妣劉嘉靖乙卯年  
二十有七中式江西鄉試第三人萬曆間國子  
祭酒趙用賢疏列天下人材中及先生尋南御  
史王以通巡按江西御史秦大瓊各疏薦

詔部予翰林院一官特起之未及就徵會卒天下  
於是不以其官稱嚴重之曰徵君先生先生大

潛學稿

傳

一

業在經史其精在學其隱操質行在鄉國人士  
公評慥慥篤實純儒也自陽明先生倡良知之  
學一時聞者如乍魔得醒从容得家先生甫知  
學業寤寐服膺之已走吉州遍扣諸東郭鄒公  
師泉三五兩劉公數公皆王門高弟一見與針  
水合爲指掌鍛鍊微密參證益洞然有契於其  
宗蓋以陽明先生所謂良知者指知之良非知  
卽良良知之知固非外馳載籍聞見之知亦非  
內徇血氣嗜欲心知之知遂爲良知也致知在



格物有物有則仁人孝子舉不過乎物從心有  
矩上聖知命耳順之後曰從心所欲必曰不踰  
矩淵乎上邇於人心道心精一危微而致嚴於  
本心本天力守聖學本天爲學的一時師心自  
用若虛談小辨者目攝之時郡近溪羅先生得  
心齋之傳直指人心不學不慮孩提孝弟日用  
飲食之常易簡直指海內稱龍溪筆近溪舌先  
生與之和而節如金玉亦時相調劑如水火學  
者游於羅先生之大而歸先生之正至今稱吁

潛學稿

傳

二

江羅鄧兩先生無闕云先生旣早魁鄉書間上  
公車罷歸念日見之行者未退而學於潛潛學  
者潛聖潛天而內潛諸心外證之經若史者也  
經常道也道一性性一天思以顯道著教傳心  
無如經經見於行事深切著明可取義者莫如  
史於是釋易釋書詩通春秋編定儀曲與周禮  
合爲三禮編釋易爲五經之原先後天義文孔  
子精蘊存焉非可亶釋而盡之也特作三原統  
而名曰五經釋史分上下編上編依洪荒而來

可考見於書詩禮者爲世表素王爲年表漢而  
下下迨於胡元君紀臣謨若傳畢依遷史例爲  
上編其三才所散見歷代沿革近接

皇明憲令章程依遷史八書彙爲二十一書曰下  
編統名之曰函史經釋函史近皆梓行其旨詳  
其自序中經散而子存其粹者爲子約詩亾而  
騷賦古近體代各有詩彙其於風雅近者曰詩  
約近代諸儒先編其言曰中編各有讀有序見  
潛學稿中唯是

潛學稿

傳

三

國朝大政大議器具史下編

歷朝列聖典則起居一代名碩生平朝野人材治  
教風俗所關倣上編體例蒐羅而次序之曰

皇明書頌居僻見聞勘又年力且迫草創未成每  
對余而嘆曰子有意乎憊矣不能穿魯縞恐後

且貽譏蛇足余爲怛然近頗聞傍郡遂有梓而  
行之者噫嘻先生見之矣所著詩文自命爲別

篇外篇者稍經手定其家近梓行焉以塞四方

人士之求嗚呼先生辭徵卒郡時年僅六十有



五以數十年之景光區區一人之心手下上數  
千年羅絡包舉細大靡遺也不亦洋洋乎古今  
之大業也乎哉蓋退潛之學力殫於此獨其可  
見之行者既不獲効於當世退而徵之一鄉一  
家者若捐私粟貯義倉倡族人置義田豐凶散  
歛秩其有紀又以其間讀法而牖勸之宗族鄉  
黨胥颯颯乎風焉撤其居室之材舁祖祠室事  
堂事南面東面使人了然見古禮之必可復古  
道之必可行痛父卒早幼不逮養次家譜傳及

潛學稿

傳

四

之行弗端食弗甘者數日僂乎如見其生存事  
兩母色養烝烝無間母沒柴毀廬墓終喪撫瞽  
弟恩勤鞠弟子如子頌乎孝友天性而將之以  
學學之通神明視無形聽無聲者固匪可跡求  
然使世讀其書者知有先生想見其父母何人  
以有先生也成身成親顯揚其大矣論者又謂  
先生居平取予一介必嚴公門造請足跡可數  
爲後先孝廉所無噫有之然於先生直細行之  
矜抑末云爾既尚論古之人而問學取友四方

若王秦閔周耿西唐曙台之倫未能縷指鄉國  
鄒劉諸儒碩外若萬學憲思默魏太僕敬吾傳  
侍御信吾傳孝廉愚齋章布衣斗津皆稱同方  
同術而學憲孝廉尤深郡國有司許太守敬庵  
姜司理同節最稱特知邑人固鮮知先生而王  
祭酒稚川知之最早童子師黃廣文在川實啓  
良知之學執友則朱茂才僅可夫高第則程茂  
才勲叔庸所謂二哀者也黃朱貧沒衣食其妻  
子終身郡自羅先生外丘方伯厚山以婚姻張

潛學稿

傳

毓刊

工部斗陽以氣誼介乎師友之間者王京兆帶  
水最名能讀其書者張秀才挺長卿繼之者余  
從子司務京友人過令尹周屏中心服而以其  
書行者左太常心源也余弱冠青衿先生一見  
呼爲小友屬之最深然余淳先生潛無能有當  
長讀其書而心折則先生往矣孫恭介次第事  
傳求許司馬銘去今且四十幾年恭亦久沒曾  
孫應珺玄孫來麟麟更屬余剛畧前事傳爲之傳  
鄧澄曰始先生生厥考夢鶴翔於庭九臯之鳴



聲聞於天其是乎或疑子和無徵好爵靡索也  
余睹先生涇鉅削然臞神遠骨清雙瞳纖轉牘  
一接數行俱下固非軒乘中所得而有矣嗚呼  
人貌榮名當先生時里巷白首公車耳歿今未  
五十年四海之士稍名知讀書者未有不知有  
鄒徵君者也抑未也更須之五十年又更須之  
爲五十者若如年後迺知先生矣傳之言傳也  
先生之所以傳也夫

潛學稿

傳

六

重刻鄧潛谷先生潛學稿小序

明徵君鄧潛谷先生著經釋函史潛學稿並板行世板且數易又剝蝕殆盡前邑人士刻函史矣合先生裔以蟠輩將刻經釋而潛學稿刻先成蓋先生族孫孟津帝典敬元瓊苑豹文儀章是任之可嘉也先生之學一本天其釋函也一本天章教易明天道禮著天則書亮天功春秋勅天法詩樂以導和和亦天而古今王路道術天下

馮序一

之故一連合于天為隆汙善敗得失之繇故釋之函之一本天章教潛學稿則釋函之餘為詩若文隨在見天者也許敬菴稱先生文規周漢雄渾極變稱其詩沉鬱蒼麗漸風雅而成家明李鄴先輩簡盱江詩文自恭伯子固若先生輩得六人者為六大家先生詩若文繫之古今作者固未知席誰左矣抑其中有易釋焉有詩書釋焉禮樂春秋釋焉其紀述詠歌間及古今



生民之故一函史之所鉅布也即一竟百  
縣偏獲全予以明天道著天則亮天功勅  
天法導天和而古今王路道術天下之故  
知不得有違天先生詩若文先生繹若函  
哉鄧東垣言之矣讀斯稿者求先生于潛  
毋以詩人文人概先生求先生于潛求先  
生之學也洗心退藏于密而通天載求先  
生之學即心契天精知實行一本諸天而  
印諸吾身之天也是可讀斯稿矣先生世

馮序二

家新城與南城羅近溪友善而學不盡同  
羅之大先生之正昔人評之江西志署先  
生籍南城出羅門誤矣或曰是某未目先  
生書與修志更舊牽附南城名邦近溪名  
理學猶假重先生無庸也

乾隆八年十月邑後學馮行謹誤



鄧潛谷先生像讚

先生之心吾不測其所以深而想慕先生之神  
先生之神吾不測其所以靈而想慕先生之形  
自世學之支離而先生砥柱於斯文讀先生之  
著述考先生之生平亶乎聖學之正脈而想慕  
先生之所以異於人今者幸覩先生之遺容儼  
然示我以儀刑而百世之下望之者將曰擊而  
道存

潛學稿

像讚

閩後學薛士彥撰

鄧潛谷先生像





潛學稿目錄

卷之一

序

卷之二 五經釋序

三禮編釋序

禮記編釋小序

尚書詩傳釋小序

春秋傳通小序

函史上編序

潛學稿

目錄

函史下編序

詩約小序 世風  
近雅

易通序

遺書約序


朱陸語要序

卷之二

序

恭賀

益國殿下嗣王位序



三五劉先生洞藁序

學易齋易序

念初先生訓言序

郡公祖世遠先生許公擢陝學憲序

何氏傳家序

牧政釋編序

邑侯湯公全誠心功序

贈徐公序

贈信吾傳君在蘭溪序

潛學稿

目錄

二

邑侯章公臺獎序

涂荷亭詩選序

送左長君上天曹序

贈徐先生之內丘序

送聶長君令宿遷序

送李先生歸高州序

贈曾立夫出遊序

卷之三

序



右司寇楓潭翁萬老先生八十壽序

封刑部前翁羅老先生榮壽序

大司成念初先生六十壽序

壽山福海圖序

少司空張次公六袞初度序

宗丈入澗石翁壽序

外舅一山楊翁八十壽序

涂一山翁八十壽序

壽劉仰松先生序

潛學稿

目錄

三

毓刊

壽涂少溪序

江母黃太孺人七十壽序

黃母傅孺人七十壽序

家譜序

存寶錄序

二哀錄序

江右名賢編序

代作

卷之四

記

新城縣學尊經閣經籍記

新城縣義倉記

黃氏祠記

新豐橋記

寶珠堂記

卷之五上

雜著

大學測 十六條

讀曾子

潛學稿

讀子華子

讀荀子

刪春秋繁露題辭

卷六 讀楊子法言

讀中論

訂文中子題詞

讀正蒙

讀薛胡吳集

讀楊明先生書



讀慈湖白沙集

語錄

四條

卷之五下

雜著

文德篇贈太公祖敬庵許先生督學關中

法言贈張廷尉之南都

天人對答贈斗陽張公

資規

目錄

五

書批評函史後

書易緼後

書慈訓賢聲冊後

黎川鄉約叙贊

弟訓

家祠鐘銘

節孝篇

先師蘭臯何先生像贊

東方生圖像贊

了空上人別語

卷之六

疏 啓 書

乞

恩疏草

謝撫院馬公啓

上白野殷座師

荅沈馮二方伯公書

復郡王敬庵許公書 十三首

上路漢畦公祖書

潛學稿

目錄

與瑞州太守王少拙公書

上王稚翁先生書 八首

奉羅近溪先生書 二首

報張斗陽公書 二首

報魏敬吾公書 二首

報萬思默公書 四首

寄王泰關丈書 四首

答謝大理虬峰公書

答陳一泉見書 二首



報苑晞暘公書 二音

寄唐曙台公書

報傅信吾公書 一音

荅左心源公書 一音

荅程時軒書

荅張秀屏書

報吳南嶽公書

荅王冲泉書

荅劉瀘瀟調父書

潛學稿

目錄

七

毓刊

新化兄家報

論儒釋書

論邑城守

卷之七

家譜

家譜先世事傳

卷之八

傳記

家譜內傳

先祠記

先墓譜

後記

祭田記

卷之九

墓誌銘

愚齊傳先生墓誌銘

陳一泉先生墓誌銘

監察御史信吾傳君墓誌銘

潛學稿

目錄

八

毓刊

蘇州別駕前進士奉政大夫工部屯田司

郎中斗陽張公墓誌銘

明彥士涂長君墓誌銘

善人周翁墓誌銘

左母蔡宜人墓誌銘

外姑江母余孺人墓誌銘

王母梅孺人墓誌銘

李母廖孺人暨婦鄒墓誌銘

劉貞母陳孺人墓碑銘



亾妻江氏墓誌銘

卷之十

礦記 墓表

劉孺人礦記

季弟礦記

幼子俗礦記

先師在川黃先生墓表

卷之十一

行狀 傳

潛學稿

目錄

九

通議大夫南京太常寺卿守國子監祭酒

雅川先生王公行狀

先妣張孺人行狀

王守備傳

黃賢節傳

旣孝友李先生事傳

卷之十二

祭文

祭東廓鄉先生文

祭三五劉先生文

祭師泉劉先生文

祭傅石井翁文

祭傅愚齋先生文

祭羅近溪先生文

祭大司成王公文

祭先師在川黃先生文

祭朱觀泉兄文

祭傅侍御文

潛學稿

祭程叔庸文

祭黃井峯先生文

祭曾山人文

行鄉社法告土神文

新城縣志序

比田學舍記

謝許敬庵公祖書

徐洲判近塘涂公墓誌銘

范貞孝傳

目錄

十一

二首

二首

二首

卷之三  
補文

卷之四  
補

卷之六  
補

卷之九  
補

卷十一  
補



潛學稿卷之十三

賦八辭詩

詒玉琴賦

反延春辭

招來辭

四言古詩

瞻彼

勵志

榮水

潛學稿

停雲

湯湯

爰兔

樂府

君馬黃

巫山高

善步行

久雨謠

平陵東

目錄

七

歌風臺

長安行

伏雨行

廬山遇雨宿村庄

卷之十四

五言古詩

讀易吟

擬古

詠古

潛學稿

雜興

雜感

卷之十五

五言古詩

雜言四章別執友筠州傅陳二兄

報別侍御三五劉先生

擬古四章送稚翁王先生上南容臺

古詩四首送妹婿王子仁北學辟

送江二北上

目錄

十五



別江子

雜詩五章送內弟張叔養會試

寄萬默丈

別陳大丈

雜言五章別傅伯達

投贈昭武吳使君二十八韻

酬贈潮海周唐二丈

夢傅愚丈

訪朱易庵隱居

潛學稿

目錄

十三

送金溪蔡童子二首

別內作五首

別傅汝成

贈王秦關二首

贈譚子二首

和程叔庸勳紀夢

今夕行贈李文學

答贈張斗公

送馮仲達赴春官

謝別萬默丈學憲

五首

謝別魏敬丈僕卿

三首

擬古三章別郡公祖許公

壽江山泉

別聶賢良赴春官

別左景賢

贈王秦關先生嘗言二章

歸舟自豫章卽景

一首

秋日過淦荷亭墓

潛學稿

目錄

十四

疏刊

秋日遊天峯

重過福山驥尾泉

九江道中望匡廬

阜城諗拾麥者

栢山

登徐山遇鹿

夏日西山紀遊三十八韻

鷄雛行

閨門哭



改宅 二首

偶得

答問 四首

卷之十六

七言古詩

顏碑行

紫陽行

龍湖水

開冬行贈邵武守吳公入 覲

潛學稿

目錄

十五

送張斗陽令上海

別南豐譚曾二君

桃溪行壽楊二丈人八十

麻姑行贈范南城侯公上計

和夢岡邦君見懷

卷之十六 有所思 二首

石堂行壽朱四丈

昨上謹代父老頌府主許公

贈陸丞還海寧

沅山篇壽許沅陵翁翁嘗令楚沅能其官  
已遂解組爰作楚聲壽焉

五言律詩

東巖紀遊八詠

初夏登眺天峯 二首

早春懷直七丈

送王念溪再遊吳會

聞月

雨中湯縣主往西倉發糶是歲饑余斥數

替學稿

目錄

十六

毓刊

金糶稻入社

臨汝舟中雪

送江山泉赴舉

送包將軍上郡都尉時給諫吳公明卿守

昭武

花狸木几送張七丈

拜東廓先生墓

過鄒謁孟廟

京邸得程叔庸書喜賦



送張七丈遷判眉州

留會璵浦山人

傳侍御巡茶陝右遣訊寄贈

旅夜書懷一律呈謝吳二丈

宿業會僊巖喜黃宗理至

下層坪回望會僊巖

登覽天堂砦

天堂寺舊逼虎蹲巖而廢徙數十步巖端

揖其前華蓋羊稠諸山環抱完密儼然

潛學稿

目錄

十七

城關賦此

二首

菊

黃宗理假館休養數日不至作此

雪中許沅陵過飲

奉和黎學博午日同鍾先生過天峯道院

見訪不值作

早春雷雨大作吾宗文學君見訪答贈

人日過吾宗季子答贈

二首

懷寧王明府枉廩山見訪贈別

二首

留陳源先生一泉

寄壽吳南嶽公

五言排律

持慈顏圖謁張七公求贊

賦得先春雪上大司成王公壽

壽近溪羅先生七十

卷之十七

七言律詩

諸邊

四首

潛學稿

目錄

十八

得參元先生書寄懷

雨中遲聶崇野丈

落梅

酬湯邑侯

送王仲子扶守備將軍槐歸饒州

讀張七丈挽王帥詩

寄張七丈

題王將軍祠

卜行



沛上逢王山人

重遇小孤

江上夜值風徑度懷小孤作

和張七兄舟次感懷作

早春晏王公子池亭

酬王大司成初秋閣望見懷作

昔遊

同近翁登從姑嶺蒼莫歸見懷作

送張侍御弟應

潛學稿

還朝

目錄

十九

毓如刊

和峽中晚釣

秋夕餞舊遊赴舉

廬州驛樓晚眺

望吳樓爲合肥王氏賦

題沈府尊去思碑

稚翁在天峯集月夜登絕頂有作和答

西隣

近溪先生壽詩

五月十三日稚翁招小瀛洲舟泛疊前韻

悼俗兒

聞張七丈自眉州量移蒼溪

長至後大水復心弟問門前洲起未用韻

報

江上望小姑

會僊巖讀書感興上稚翁

和王司成中春九日邀遊赤岸園

棘樊

潛學稿

目錄

二十

續加刊

索居

花朝教諭草亭兄招遊赤岸園

至日讀易廩山念初先生惠詩見憶報用

韻

旅泊瑞洪阻風奉懷許敬庵公祖學憲

七言排律

寄題張二表兄新居

卷之十八

五言絕句



移居極樂院漫興 五首

京旋途中雜興 七首

遊越園雜詠 六首

古意 二首

雜言贈士友 三首

全景樓 二首

題畫 三首

雜感 二首

雪中訪覺上人不遇

潛學稿

目錄

廿

贈僧結長期

題夢龍庵

七言絕句

待月

山樓對雨有懷王念溪

丹霞巖看霞生

桃花書屋三詠爲劉知州賦

三五先生送別書岡頂

舟中閒雁

送客

信湯縣王

三首

瀛南湖雪

午日竹枝詞同張七兄賦

筠州諸兄訂明秋集龍泓賦此

別吳昭武公後登空明閣賦如贈章寄謝

四首

謁包將軍用來韻

書岡舟泊聞雁

曆學稿

目錄

世

九江道中見螢有懷觀我兄

送人出遊

中春同諸生遊赤岸

二首

烏下平蕪

題喜雨冊爲劉縣王賦

首春遊赤岸桃園二絕

冬日天峯絕頂

了空上人者冀人也鍊魔伏牛西登華嶽

瞰佛光峨眉浴佛五臺禮佛燈南海



人謂御穩順問前事輒自稱安心云  
晨起醉芙蓉乍開皎如玉色折贈鄧瑩初  
春日江太學携酒赤岸桃園過小堂集

卷之十九

武夷遊草 有序

度飛鳶憩古祠幽蔭留宿

水口

過大乾廟

遊武夷九曲擬擢歌作 六首

潛學稿

目錄

廿三

武夷雜詠 四首

再謁紫陽先生祠

隱屏洞中有感自笑

下大王峰戲題

相送

過程口謁遊定夫先生祠

明肝

五經釋序

答尼父上聖天縱之自生民獨盛矣而下學於好  
 古疊疊也尚嘉唐虞尊典謨為天人統夏殷周撫  
 世平成之烈訓誥誓命術焉乃五典六官萬務之  
 經尚郊廟會朝燕饗之雅頌移風宣化蓋寤寐志  
 之至其本明聖之軌裁當世之變屬辭比事一衷  
 於天用則春秋之所以教也易昉太皞周備繇辭  
 潛學稿

卷之一

一

而化人事之動贖畢具播一實於六虛攝萬用  
 於三極俾人開志成務而神易之原得研而際焉  
 語上誓於物語下達於天故書詩禮樂春秋天之  
 五運乎易秉奧符則其元命也於戲天道恢恢豈  
 不大哉神明默成之至矣精知質行庶可以用中  
 三禮編釋序

三禮本古曲禮儀禮周禮而名古經必有記記經  
 所未備若異繇者今世所傳周禮儀禮禮記稱三  
 禮則相沿誤也蓋曲禮本經余聞之李大經云





李經

經先曲禮曲禮禮之本也禮天體也天體物

不遺故物必有則自內心外貌思慮視聽食飲裳衣之有其節若語默進退取舍生處之有其介與凡親疏貴賤交際事使之有其體各品節之以立教蓋曠不厭動不亂而幾微畢察委旋時中也命之曰曲禮槩其目曰三千非質三千言微乎微耳蓋德性之精微中庸畢具察而高明廣大都焉時著時察之謂知隆此繇此之謂行故致曲者知微者也是教之本也儀禮者先王以訓齊天下經人

潛學稿

卷之一

二

義之大端也爲之冠以重成人爲之昏以合二姓爲之鄉飲射以教德讓爲之喪既夕虞喪服以哀死亾爲之郊社饗饋以懷鬼神其親邦國之交秩上下之體又爲朝會聘覲焉以將之此其行有時其用有地此時豫物將事也有體是儀法之大者命之曰儀禮譬天儀象乎則二十八舍以經天而治要在論官故禮經官建冢宰之官以儀天建司徒之官以象地建宗伯春官以廣仁建司馬夏官以成聖建司寇秋官以立義建司空冬官以餘

事而六官三百六十屬上法乎天行蓋周禮制而  
儀曲有官儀禮制而人義有紀曲禮制而人道有  
理三禮者周公明天道察民故以興王治之大順  
也仁者人也禮者體也隆禮者尊仁 疎禮者體仁  
禮無體則復於禮而仁全蓋仁全而天全矣周衰  
禮廢迨春秋晉韓起適魯猶及見舊典禮經歎之  
曰吾乃今知周公之德與周之所以王蓋其感也  
孔子欲觀周道適周學禮焉歎之曰大哉聖人之  
道洋洋乎發育萬物峻極于天優優大哉禮儀三

潛學稿

卷之一

三

百威儀三千歎道盡於禮也又贊之曰郁郁乎文  
已夢寐忘之世莫能遵明於是乎作春秋以維周  
禮蓋重禮如此至戰國諸侯惡其害已經用播絕  
自孟子未之及見斯亾从矣漢興河間獻王篤好  
古始博購得周禮五官而亾其冬官得考工記附  
經後備冬官之記高堂生實始傳儀禮經勵十有  
七篇大小戴次曲禮勵上下二篇又雜諸記中而  
儀禮冠昏喪既夕虞皆士禮惟大夫而上無冠禮  
他諸諸侯大夫昏喪既夕虞皆亾惟饋食有少牢



有有司徹則太牢亾也特牲少牢惟饋食則饗禮亾也饋饗皆廟事則郊社禮亾也禮大問曰聘聘使大夫則問於事相朝禮亾也聘有公食大夫則公再饗大夫禮亾也至王覲止覲則春朝夏宗冬遇殷見衆頻禮亾也推斯而言禮闕逸甚矣豈孔子存周禮於魯而王朝禮業不得展於邦國諸侯禪行禮又自去其藉惟士鄉禮以習行而存與嗚呼周禮亾而朝無守官儀禮亾而國有失俗曲禮亾而人道或幾乎息矣何異乎九容不修九思不

潛學稿

卷之一

四

慎六官不建五禮不秩而三綱九法從淪斃也余讀禮手錄曲禮少儀內則玉藻諸篇敦本實致微耿約身理家可服存者爲曲禮經上篇其非口用習行若古今異宜難施行者爲下篇經記缺錄表記坊記緇衣語精實於經通者附焉其儀禮本古經爲經經有義見戴記者類附經爲傳傳錯見他記中者據取之爲外記凡經十七篇傳七篇記各附其篇終周禮故五篇近儒取五官聯近冬官者廻五更定以爲冬官未嘗亾也然何從質是之也

經所存終遠也故周禮經仍五篇二記中與六官相發明者與工記附焉其科條見禮記編釋序中匪敢銓訂庸便誦服云

禮記編釋小序

禮記蓋古經師轉相與撰次所聞或錄禮舊或記變禮或兼記體履之務翼經者也豈七十子之徒若高堂生孟卿后蒼之倫所記與漢初湮滅有聞已漸出至元成間而備傳者至二百餘篇信都傳德刪爲八十五篇曰大戴禮九江守聖刪四十九

潛學稿

卷之一

五

篇曰小戴禮彌約近奧而於經不倫今取諸記儀曲禮者各附本經後如編矣漢興文皇帝感上世列爵分土建官任職之道畧不概見也命博士諸生頌論次所聞爲書曰王制制雜出夏殷與周禮不盡合而義相出入以近經又自有記故首王制列周禮六官後它二記中記古治天下國家之度制器數錯出者爲王制下附焉孔子語爲邦曰行夏之時說者曰夏小正之屬不必然也然而近之矣呂覽十二月各有令時有秦令焉而古制以存



蓋秦令建亥而月令主夏時得孔子之意以其時  
秦未創制天下自恣睢也不韋獨令諸儒牛獵取  
前聞成書亦猶古制哉故次夏小正月令學記王  
世子記國家建學作人之法畧具與周官司徒樂  
正相表裏記武王踐阼若經解古學造在焉又次  
之樂經亾久矣河間獻王所上古雅樂又廢獨劉  
子政所得二十三篇中十有一篇具存今樂記是  
也記通論禮樂之事又禮先樂後又次之百工之  
事至微末而道存考工記非冬官而固冬官屬也

潛學稿

卷之一

六

則或冬官記也事理爛然精矣附焉它諸聖門與  
君大夫若門弟子縱言及於禮若統論三禮之事  
者類深奧有微言間乃紕繆記之者失之也然亦  
耿矣故首哀公問仲尼燕居閒居次之觀上之嘆  
本陰陽造化帝王因革之變鼎鬲輪輸矣曰禮運  
禮器卽物有宜稱言之也運行而無迹器成而有  
方運其會之通乎器其典常也故禮運禮器次之  
大戴盛德篇他二記中語三禮錯出者類附焉夫

禮得之者昌之失者亾於觀戒至遠也而莫靈於

春秋檀弓諸記得禮之事失禮之禍與春秋互發  
又次之夫禮無不體也洋洋大哉乎聖門通論道  
德仁孝政學之語何非禮也出二戴者博矣孝經  
經也孔曾之宗傳在焉記之冠冕原本也故首孝  
經大戴記主言入官小戴儒行次之表記緇衣中  
粹者入曲禮記餘與五儀小辨用兵苑類禱矣然  
古書今及見者甚夥何忍棄也與本命附焉家語  
故自爲編以其記孔門答問及弟子行事與禮記  
相出入又附焉子曾子傳大學古文最粹宋儒表  
潛學稿

卷之一

七

章之而道尊其出檀弓曾子問者顧往往禱矣其  
粹者乃在大戴篇慤而深微而粹存之闡闡持之  
勿勿進之慤慤靡有息也又一言一藥卽龐義贅  
辭要無傷其大都故受之曾子終焉嗚呼詩書禮  
經而下莫近於戴記類爲編而三禮書大具失倫  
者咸各歸其官俟世君子得考觀正焉

尚書詩傳釋小序

聖經猶天象然古注疏蓋推步家豈必盡天而時  
有所明不可廢以因用測天也宋集傳法令諸家



爲訓最善諸采用若已意不復識別恐碎辭迂經  
也大都放經文訓釋爲近蔓言病已然滯言失意  
故時釋其意以通經焉其諸儒訓釋者姓氏則各  
標于本經篇端

春秋傳通小序

五經惟春秋傳最高古以丘明受素業公穀精義  
類亦游夏之徒也雖時有錯迂要無傷其大都其  
諸儀象乎猶璣衡之遺也故各標本傳然棄經而  
任傳淆矣謂璣衡即天也宋程傳最簡當胡事辭

潛學稿

卷之二

八

至於格君故時有蔓言亦容有鑿思夫屬辭杼忘  
比事明教非亶可字句求也作統言以通經焉其  
諸儒訓釋者姓氏亦各附次于篇中

予歷世史志載考觀天人貞一之統察古今迕合之變王路隆汗道術善敗之故慨然歎之也口有以也夫易首乾象天春秋尊王於天表一大於元非以天統元氣甄陶陰陽難諶而諶靡常而常人一統爲其貞耶非以合不能無離離必且合卽迕不合惟助上帝者必常德篤忱萃其渙合于一耶洪荒首君躬上聖神智易貢之德以兆於政化邈乎尚矣三代之莢以亶聰明之資都作君師之任

潛學稿

卷之一

九

兢兢於欽明抑畏之本亦曷常不官三才府萬物播九德於六官舉以其世而奠乂之乃其時宗臣王佐四友十亂之倫恭孚和一又何其景附響臻也迨其季葉道隱於耕釣辱在囚奴迕矣旣厥終竟集命作命宜訓衍疇以顯也豈非元氣未漓誠精聚合爲會之元也與哉周衰王迹熄而道術四裂終莫能宣明仲尼觀天於獲麟觀人於轍環莫遇也於是乎上觀唐虞下采夏殷西觀周室修祖述憲章之業而持載覆燾生長收藏之川一軌於



天行其言曰文王既沒文不在茲乎天之未喪斯文也後死者以得與於斯文也而繇有周而來帝王歷數代天子民之統終莫之能屬則天下之生久矣代而彌散蓋其離也三代而降受帝天之命能混一六合以啓統衍世者曰漢曰唐曰宋雖道沿世降而治以代純均之作生民命而上下幽明屬焉漢得天統弘寬簡忠恕之政太宗恭敬溫文有君人之大德稽黎庶於篤醇而惟年久長懼于不終迨彌留弗替聖統存焉而終已鮮輔董江都

潛學稿

卷之一

十

明天人古今之統劉更生稱其庶幾伊呂而生適後時曾不得一當主也唐宗起南北六季之後基命昌明成太平之烈垂意於仁義教化海寓晏然考厥佐命則河汾房杜魏三賢實佐佑之而靡不究於禮樂文中子前見之歎焉彼其以孝弟爲社稷以不言爲宗廟以五常爲四國以無不通爲富貴以無不極爲死生者三才九疇卒屬之布衣焉已也宋興神器得於掩取禹迹限於職方雖其本已淺積百年而仁祖恭儉始幾小康神宗銳意堯

舜三代之理於仁明武庶兼有其資矣而濂雖請  
大儒者作以誠爲本以敬爲門以太極二五盡神  
明之容以誠神幾妙性情之德以大學爲戶庭以  
中庸爲闢輿以不傳之學爲得之遺經也其言曰  
自天命以至於教我無加損焉懿哉道乎而純公  
於裕陵又相見相遇合而竟以中阻也夫非皆五  
百歲至精之期會乎而適不相直蓋元氣之散久  
矣離久而後合雖其合而不危於離豈非天哉豈  
非天哉

潛學稿

卷之一

十一



明興

天純佑命光古夏而軼漢配天

高皇帝驅逐裔狄復帝王自有之中國

成祖表章宋哲繇濂雖以上蓬洙泗納天下人士  
於理性命之塗熙宣天順之世風俗篤醇言信行  
質純師純法之儒烝烝出焉

肅皇帝嘉意皇帝王師之統渙焉淵秉章施於敬  
一克復之訓而其時有學有師有傳有習以獨知  
爲良以良知爲聖如博如約如知即行直上附於



鄒孟蓋仲尼歿至是且二千年跡濂雖而來且五百有餘歲矣五星集於潛朋文教光焉乃剡代黃君諠辟格輔碩臣鍾間氣之英貞性秉道以戴主奠民者雖合離久暫末之能一抑又何矚炳而彪剡也此紀謨訓述之所以志也於戲書有之曰天降下民作之君作之師君之言尊也宗也師之言資也亦宗也故道通元命德配天地則命之帝矣建中表正統一三才則命之王矣燮調元化密勿與樞則命之相矣明天地之統苞君相之業闡理

潛學稿

卷之一

十一

性命之奧作生氏耳目爲後世法程則命之師矣故帝以道配天相以道佐王師以道達天儒以道得民其分不同其極一也易乾五上治曰飛于天乾二時舍曰見于田而均象之龍語並德也屯初宜君曰貴下賤蒙二宜師曰子克家而均繫亨貞語同道也故帝之有紀明治之有統也翼以謨而明穆交贊師之有訓明道之有統也翼以述而庶衍不墜聖賢在上則推而行之在下則述而藏之微是天莫屬其心民莫必其命而王路道術遂爲

天下裂矣或問之曰惟然則紀謨訓述而足矣它  
傳志何爲者也曰贊王統也天一而風雨露雷山  
川河嶽各宣其用以有職司於天王一而六官九  
列百司庶府各殫其其以有職司於王語曰三十  
輻共一轂轂其樞乎而微輻則不運在管名碩靖  
其爾位一志畢能秉信履義輻輳于其世豈苟而  
已哉入則効忠出則宣力居則嶽立動則霆擊王  
綴則順而將之闕則拂而襄之治則張而相之亂  
不避難不舍勞蹇蹇乎身殉之也此王國之幹也

潛學稿

卷之一

十三

傳良臣貞臣若爭臣論諫焉夫者附帝紀中管先  
王選建明德庸勲親親分九土五域以爲天下公  
而王政有根世以丕平王迹熄而一匡九合之勲  
迄數世終賴秦而下罷侯置守郡國師帥之選備  
六官之務靜生民之業撫薦慰安民命繫焉是明  
至所與其天下也乃遵法糾俗媮快於功效孔子  
所謂免而無耻者哉抑時有用焉帝者得之以立  
事而勝姦傳周列國漢而下傳循吏能吏皇皇造始  
基蓋必有熊羆之士不二心之臣沉幾密畫鷹鷂



燹伐禍亂戡焉以耆定厥功及代承平丙靖外攘  
合散坊潰繫桓桓赴赴之夫是賴故將者國之輔  
生民之衛也故紀附將謨傳列名將述焉夫忠節  
世道之所倚也臣死忠子死孝然後人紀立而國  
統尊故孔門之教無求生以害仁有殺身以成仁  
蓋上達節下毀節自志士以至仁人未有不約之  
于節者而誰能違之激爲氣節下乃狷戾禮曰謀  
人之軍師敗則死之謀人之國邑危則亾之節也  
傳忠節其傳經學何也曰先師之志也答先師章

潛學稿

卷之一

十四

志貞教陳天道人事之紀世爲儀表莫大於六經  
矣豈無辟儒失道之本真執方局見支訓蔓辭以  
離迷其質乃賢者重傳承守家法上關獻納則明  
聖之闕議揚于王庭下廣教授則六籍之微言徧  
于闔宇誦而思行知而乃言進不枉道必以其義  
退不失義必守其道久相待遠相致久幽而不改  
其操患難而終相爲死也豈榮貌哉故兩漢經師  
之承傳最重而風俗最淳其於經譬則臺史乎豈  
必盡天而歷日月星者終莫之能廢也且聖遠而

言湮庸知夫後有作者不信經而尊道乎故傳經學也傳文學何也曰昔天下之治方術者嘗衆矣陰陽名法道德各得道之一察以自好而不該不徧靡敝而莫知其極也儒家者流游文於六經加意乎仁義深而通苑而不藜膏沃而光燁各具有其質文用能上振典謨下披雅語晰六藝之歸流百家之與明天下治亂之統紀與故能言其意而必行於遠也以會歸於聖人論其世而出處語默進退之際可以弗畔也亦豈非命世之英卓然有

潛學稿

卷之一

十五

繫於世路之興替道述之正反者乎且文顯而道隱庸知夫來者不因文而見道也故傳文也 學也

師之設科也先德行思善人有恒其品士則行已有耻使不辱命於孝弟信果庸竝而列諸世師資道缺有間矣而淑人君子氣鐘其粹性命於德篤躬者淳至而淵乎似道也是百世之儀矩也何可簡也次者本仁惇孝率義踐禮行不越乎矩豈不易其方辭受取與之際介乎不回疚焉亦先民之有作也何可簡也使漸涵於聖門不有進於首科



品之上士者乎下此則獨行經硜然賢於毀在者  
多矣傳篤行義行獨行易有之曰鴻漸于逵其羽  
可用爲儀詩有之曰皎皎白駒夫皎皎者儀之表  
也時命大謬遯肥于荒深根寧極與時偕藏利害  
不滑歛德闕光貞不可亂是微之顯也風之表也  
卽炳幾遠害蚤見豫待視溺焉不止者遠矣風貪  
頑者莫大是傳隱逸造化物曲之精至微耿難識  
而占候卜筮方藥之技稽天驗人顧往往前知命  
中如影響蓋其微也雖其小道而贊天生民之事

潛學稿

卷之一

十六

均出於六官故通其道則聖局其方則惑志方技  
天生五材帝用六府民竝用之以爲天下公蓋其  
理也故貨惡其專之身亦惡其棄於地力惡其盡  
之人亦樂其效諸已用天分地而正德以幅之則  
民生厚焉志貨殖自古受命帝王及繼體守文之  
君非獨其主德茂也蓋必有妃匹之助焉乃其燕  
女溺志淫黷淪斃則覆亾隨之雖憑賴先德身致  
鴻榮莫能遠也必且受其禍敗若反中其子孫下

至匹庶家道成於女貞民俗風於閭範以爲人

道終始家盛衰繇焉故詩首關雎善栢舟雅美周  
姜任姒春秋卒宋共姬錄絕季姜其重也夫述后  
妃內紀若列女傳書稱咸若爰及昆蟲禮通八蟻  
不廢貓犬易象萬賸乎及豚魚明物曲有性也明  
乎物曲之性者不敢用非道暴殄之矣志物性終  
焉總之三代而上可考見於書詩禮易者爲世表  
素王有年表漢而下各以紀謨訓述傳志次世代  
科條其文而天人古今之故續備文取材於史義  
稟質於經去其猥重存其典正其中治也詳其危

潛學稿

卷之一

七

亂也確其褒善也周其懲惡也隱詳以周故盡其  
辭備論其行事以著法隱而確故嚴其斷抉其志  
不盡其辭俾懲省深痛識早反力無使狎機事萌  
逸志而亂焉蓋黜其不經者取其近經者道其  
可道者不道其不可道者爲史學要刪乃其詳則  
正史存焉於戲法象衡陳於上晦明否泰通塞萬  
變而不失其常者天也九域分布於下神明糞土  
隆污回易而不失其方者地也五性參兩於中  
亂廢興進退存亡紛綸糾縈而不失其正者人也



故消息者時當否者位卷舒者道貞一者志得全者全天心天而道不得全全人畏義而節帝者之所紀相者之所謨聖者之所作明者之所述志士之所裁仁人之所安達賢之所通節士之所完下至幽人貞士庶婦季女介乎不欺其志也焉往而不可見天地之性哉燭幾者昌處極致亾敬明惟理逸豫以荒故明君窒未萌之欲而聖人謹未然之防有以也夫用歸於毋逆天道毋絕地理毋亂人紀俾物各得其極而已矣詩曰風雨如晦鷄鳴不已語處世之有恒度也詩曰我心匪石不可轉也我心匪席不可卷也語吉人之有恒心也詩曰匪且有且匪今斯今振古如茲感往者之不可及俟來者於無窮期也述函史上編需明哲訓定焉

潛學稿

卷之一

六

函史下編序

易六爻體天地之撰範九疇盡經世之務古哲后  
先民諸應天撫世因時御宇之畧業彰彰具上編  
中矣乃其天經地義民彛物曲有倫脊可循沿不  
於時變革者則有之天官之分九野也方域之奠  
九州也人官之列九品也是三極之道歷萬世而  
同條貫者也故首天官次方域次人官天官莫大  
於時令曆數以紀之災祥以驗之而天人之際大  
備故次時令次曆數次災祥方域莫大於土田土

治學稿

卷之一

九

田生德之本也有土田而後有貢賦漕河通焉故  
次土田次貢賦又次漕河人官莫大於封建封建  
政之根也封建廢而任官任官有統而後九德服  
在位也乃學較其本已故次封建次任官次學較  
有學較而後有經籙經籙者天文地理人事之紀  
也禮理天地之序樂宣天地之和而後人道成焉  
故次經籙次禮儀次樂律嗟乎利誠亂之始也夫  
子罕言利嘗防其源也長國家而務貨賄乃其來  
久矣於是乎小刑明刑大刑制兵茲次貨賄次刑



法兵制殿焉春秋謹嚴莫謹於華夷之辨矣故次邊防次夷狄異教之爲嘗道裂也自道術之散始也當防乎其防故受之以異教終焉易二象以盡意疇五行以利用書不盡言史何敢當焉然三而九又九而大備而天下之故亦畧具矣

灑穹懸象徵表爲國故紫宮二十八舍三百二十中外官於王朝邦國官府下逮人民畜產頰仰較若一也而二曜五緯八風雲氣時從權焉故王事臧嘉僭忒逆從之際於天象若景嚮斯已嚴矣明

潛學稿

卷之一

三

主司天人之契謹察眊爲兢兢釐天官書第一

天以河山條紀峻胡越之介裨海環之而諸夏方域奠焉皇皇禹功殫之于封濬分畫蓋其理也故羣生康毓功濟于來今迨世多變縱分衡裂首體不屬而生民糜爛耗矣帝者統寰寓爲一慎封守爲兢兢條方域志第二

元后法天御極三公論道弼化原而無職司六卿分職庶冢承序百辟宣德輻運而天地官斯人紀所立哉自教之衰釋道而議政主德罔弼而守文

之政紀闕如也又遷代已數人官曠焉述人官考  
第三

天以一氣播三統五行於四時消息發歛示聖者  
之度故時令於王事爲最重孔子語爲邦曰行夏  
之時贊易曰後天而奉天時故上德一天中奉天  
畏天下智不能遠紀紀以民正下者悖天以亾後  
儒徂兵志賞罰之權隳經常之令辟矣夫晝宵亦  
何可得違也述時令記第四

天道至恢恢矣繇欽若曆象而來世紹遵明卽星  
曆學稿

卷之一

二

官曆師能按部推驗不爽於軌度則天行有常聖  
者創法而人之聰明能紹天也然昆侖玄耿豈巧  
曆能盡獨時有推明故堯命羲和以欽天迨舜受  
終卽察璣衡以齊天詎顓守法哉總之以隨天推  
候爲本述曆數志第五

天合日月星辰海山嶽瀆人羣鳥獸以成天譬則  
人乎合頭臚肢體五臟十二腑毛髮骨理而成人  
故五事僭理而六氣類應猶覘氣於腑臟之變而  
絡脈所注隨病也倣忽者殃彼拘而懲者感已



卽占候爽而詆應非類至何言之不察哉故知類應者爲知微述災祥考第六

天以丘陵川澤阜百物而土中稼穡作生人之依諸疆理裁成導利均布絜王人是賴故君之言宗也生德之大宗也田不并不均居不里不輯卽有生鮮遂矣帝者體天弘覆立元元之命其惟井野乎然非久長人之官不任次土田志第七



王后身三統六事九正之重修和理叙而天時地宜人官物曲之利興焉其則壤定賦任土作貢因

潛學稿

卷之一

廿一

民任力卽百代不與易也然損上益下而益損下益上而損剝安附地夫忌居德斯理亂所萌哉司計者覽詳於貢賦登耗舒促之變宜可爲懼然懼矣述賦役書第八

河之爲中國患舊矣濫溢懷襄帝用震傲得禹而九州寧乃後卒橫放莫底也夫黃河於川江導諸夏同功而河爲中國陽性勁又西北水泉少而河身陘隘雨水時行半天下之洪潦都焉其潰決困當乃江於天下爲右陰水泉所從出者多夢澤巨

而三江五湖之溝瀆灑焉其險而不爲敗亦其性哉今河益南徙獨全淮受其委而鑿齊魯之墟以運漕議者顧以爲天數神力不可治謬其本矣作  
漕河志第九

王者法星土方域之文紀畫國分野庸黜建親而天下康君宗翰輔府事依焉則自然之符也附枝六而心披柯葉彫而木瘁亦曲防過矣今大藩坐擁無功之奉而材不效諸用支孽稍踈而司國計者賸天下膏血以贍之而日盼盼患不洽也蓋

潛學稿

卷之

廿三

交病甚矣作封建志第十

自唐虞登庸若采之訪翕受敷施惟九德爰陟至申命特命交讓之風穆然而黜陟幽明之典不替也故辨官才惟德推官能惟讓考官治惟庸乃後世以浮言程士以資格限官以案牘譽毀言續也悲夫夫設官而不知所任亦無爲設官矣述任官

考第十一

管王之數學也綏帝降之猷定民命之衷令無危于天地之性故學者學也所以興德勸行言而



漸之道也較者教也主化俗而導民今教不列而  
學士溺於浮文悲夫夫設學而不知所以爲教則  
無爲賢學矣述學較志第十二

六經之爲天下治也尚矣易象作而三極之道畢  
具唐虞之化典謨紀之夏禮周之盛德流風詩書  
續備焉故易以宗命書以制典禮以教中詩樂以  
導和春秋以定變觀全經而知夫大道之恢恢諸  
子百家史傳作而華繁寡實矣乃其初亦詎非出  
於六官之流裔也哉剔源疏流俾嚮道者有所統

潛學堂

卷之一

廿四

述經記第十三

聖王本天經地義民行以制禮禮理而安民則  
樂樂則天而樂從生焉故禮體也體神人百物萬  
事之極而節文宜適之者也樂者樂也樂繇乎道  
也禮繇中制樂以和行中和者性命之精鬼神之神  
會天地民物之統也故聖王上之夫大道之行三  
代之英仲尼之所志歷千載而不效於用悲夫沿  
源譜流俾言禮樂者有所統述禮儀志第十四  
管王本天地太和而作樂以斟酌調適令反之乎

性故樂也者樂也樂得其理也理大理而後和理也者節也故樂以節樂後之人以侈爲樂咎生於不知樂之情而遂欲不反也必不合矣夫樂本於黃鐘之宮聲以宣之律以節之呂以助之而候氣諧聲其準也和平以爲極述樂律考第十五  
天立君以生民非賸民以生諸古今富民富國之變表見土田貢賦中者蓋畧具矣

國家承百王之末而兼受其猥一切之政咸用乃鹽鐵茶馬之賦遂爲課稅經此亦何得簡哉通變

潛學稿

卷之一

七

節適稱時追俗而無虞於其本固爲理之大權也語曰原大則饒基削而什此言雖小可以喻大述財賄考第十六

管者王隆德敦禮政有紀而後糾之刑故刑者成也法天之震曜慘栗亶主於成物又一成而不可變故君子慎焉乃棄德禮不務釋政而任律又釋律而任例悲夫司刑者念天元命考衷於典禮制民於刑之中其必毋官反貨來毋苟一時之權

而破各析律述刑法志第十七



天以陽生萬物肅之以陰地產五材金用不廢故  
兵者聖人所以昭德保治禁暴亂爲生民衛也奸  
之者殃故兵制周則國全際則輔缺與農合則交  
利分則交病乃重內其本哉秦而下興壞治亂之  
數端恒起於兵故制兵制國者之所甚謹也述兵  
制考第十八

天以兩戒定胡粵之限崇山峻谿王公因用設險  
以無虞中國蓋安不怠危備以無患也乃本務篤  
在於內修書曰明王慎德四夷咸賓述邊防書第

潛學稿

卷之一

其

十九

乾坤以兼覆並載爲大德而華戎中外之限一何  
其有截耶大哉聖人之馭戎也舍逆取順治以不  
治有驅逐而無窮鬼後世守文之士致金縉子女  
以爲奉調矣彼已將帥席王威揚中國怒毒天下  
而不恤烏謂天德哉易曰高宗伐鬼方三年克之  
蓋非之也故曰懋述四夷考第二十  
隆古元哲通天地神明之德而別宜分類幽明虎  
生鬼神之故爛然乃禮導樂和因物之精而納之

極也夫是以疵癘不興而誕悖不作迨德衰而二  
氏者探神理性命以自詡末流益謫妄爲神效故  
攻之者難則所據者安與也然世教滋病作異教  
考志焉

潛學稿卷之一終

潛學稿

卷之一

廿



學志

夫以是數俱泯其音矣與愚爲世遠哉亦異其  
因昔者猶想其命以自隱未可益論矣  
然也夫其以疵癘不興而誕悖不作迨德衰而



詩約小序

世風

世風編以世繫也。天有明命，人函其心。心感物而動，則情生；而聲音之道，昉焉。自含血載氣之屬，生則有知，有知則有欲，順欲生喜，違欲生惡。則知情者與生俱者也。情發於容，嗟咏嘆而成聲，聲備抑揚，悠宛委伏之文，而成音。音本性質，情規中矩，和於是乎。協律比呂，平情淡欲而成樂，以格神祇，感靈動，宣美教化，裨厚風俗，得二而反之，正則聲音

濬學稿

卷之二

七

之道通乎性，而三百篇其盛也。隆古之世，淳龐冲朴之氣，馮翼未宣，太音希聲，邈乎尚矣。自典籍可紀，明良喜起，賡歌於其上，康衢擊壤，熙恬於其下。先王原本天明，敷播德意，飾之以禮，義勤之以惠，和王化成焉。而聲音之道，大備。上祀神祇，宗廟而訖于受釐，陳戒下勅公侯，卿士而洽于朝會，燕饗莫不有詩。其下閭閻巷亦皆沐浴膏澤，漸於政化，率能循其不能自己之情，而比於其不可自過

之則，於是乎上明天道，下察民故，經之三綱，理以

五常王公倡之以弘其化諸侯陳之以貢其俗天子覽之以權其教而王風雅頌之正音生焉其變也碩人達士羈臣遺老猶能本政陳化匡君弼違追慕其盛咨嗟太息於其衰而不能釋斯非政衰迹熄之世乎而教存澤流漸之深而行者遠矣譬之洪源巨川旱暵不竭蓋其盛也故仲尼三百始終於周漢而下興亡隆替之變亟矣其興也莫不以哲后碩臣體元經化政行倫清與風雅同道焉其亡也莫不與頑用器宜淫助欲斃倫荒政而風

潛學稿

卷之一

廿九

雅之道蕩然耳剔善敗之原審隆替之端反性以康縱情惟覆風行有自助理在幾彰往察來洞若觀火故觀詩而世其可知也述上編



近雅

詩者人之性情也雅正也正官之也詩之為教敦厚温柔言至婉切義無直指近托遠諷譬之風然俾風風乎足感乎人心然蒸民則肆黜殲心不止言之乎而雅之道歸焉耳唐音既闕寒風不競五緯集奎聿啓文命周開洪濟程備元氣節窺天倪風經雅締俾播諸風庶幾哉內聖外王之緒矣明會之元爰有江門握機弄丸排闥崑崙瀝為會稽大明揚暉以覺覺迷振鐸復先于億萬年為近

潛學稿

卷之一

三

雅篇

雅篇  
風雅  
詩雅  
書雅  
禮雅  
易雅  
春秋雅  
四書雅  
五經雅  
六經雅  
七經雅  
八經雅  
九經雅  
十經雅  
十一經雅  
十二經雅  
十三經雅  
十四經雅  
十五經雅  
十六經雅  
十七經雅  
十八經雅  
十九經雅  
二十經雅  
二十一經雅  
二十二經雅  
二十三經雅  
二十四經雅  
二十五經雅  
二十六經雅  
二十七經雅  
二十八經雅  
二十九經雅  
三十經雅  
三十一經雅  
三十二經雅  
三十三經雅  
三十四經雅  
三十五經雅  
三十六經雅  
三十七經雅  
三十八經雅  
三十九經雅  
四十經雅  
四十一經雅  
四十二經雅  
四十三經雅  
四十四經雅  
四十五經雅  
四十六經雅  
四十七經雅  
四十八經雅  
四十九經雅  
五十經雅  
五十一經雅  
五十二經雅  
五十三經雅  
五十四經雅  
五十五經雅  
五十六經雅  
五十七經雅  
五十八經雅  
五十九經雅  
六十經雅  
六十一經雅  
六十二經雅  
六十三經雅  
六十四經雅  
六十五經雅  
六十六經雅  
六十七經雅  
六十八經雅  
六十九經雅  
七十經雅  
七十一經雅  
七十二經雅  
七十三經雅  
七十四經雅  
七十五經雅  
七十六經雅  
七十七經雅  
七十八經雅  
七十九經雅  
八十經雅  
八十一經雅  
八十二經雅  
八十三經雅  
八十四經雅  
八十五經雅  
八十六經雅  
八十七經雅  
八十八經雅  
八十九經雅  
九十經雅  
九十一經雅  
九十二經雅  
九十三經雅  
九十四經雅  
九十五經雅  
九十六經雅  
九十七經雅  
九十八經雅  
九十九經雅  
一百經雅

易通序

自庖犧造易洞幽蹟而三才之道彰太極易體也  
體儀象卦爻而無可名可象焉曰無極是三極之  
極也夏易連山連山首艮艮止也止其所也商易  
歸藏歸藏首坤坤者藏也語藏諸用也文王純德  
不顯造天載而周易首乾乾天也剛健中正聲臭  
亡矣故詩贊文德曰天宣尼述焉蓋三易一極也  
這道之衰老壯釋發是機以命世起有以無反動  
於動天下靡然矣其蕩也傷教儒者宗聖治經乃  
濶學稿

卷之一

十一

溯見聞心知徇生執有也其蔽也失宗至哉元公  
之易乎揭主靜以立極標無欲以學聖洞化原研  
化機紀民故察物類太極二五備神明之容矣而  
統之以人極誠神幾妙性情之德矣而正和於動  
用華摯乎禮理樂和損修益祿蒙初艮終不已也  
義文而降始再闢渾淪哉蓋一傳而程氏之學興  
孔子曰潔淨精微而不賊深於易者也元公當之  
矣



遺書約序

始程淳公受學周元公也圖書手授業冠耳已渙  
然於舞雩詠歸之意蓋洞然仁體也顧循循于孔  
門下學上達之教又清和具體誠敬不離其心斯  
於帝明始陟降左右哉予幼讀東見錄識仁篇契  
焉顯顯喁喁竟昕夕以憚矧親覲見者乎夫裕陵  
固好善主也荆舒懷亦中內嚮服其所居若風被  
物颯颯乎無不入也故其學三四傳而微言始溼  
猗其盛哉正公弘毅天性又淵源所漸者最深屹  
為世儒宗言傳後代有以耳約遺書凡四篇二程  
子合上下二篇分二篇

潛學稿

卷之一

十一

慈故... 意蓋... 顯而... 顯而...

欽定四庫全書... 潛學稿... 卷之一... 十一



渚

